

গণপ্রজাতন্ত্রী বাংলাদেশ সরকার  
বিদ্যুৎ, জ্বালানি ও খনিজ সম্পদ মন্ত্রণালয়  
জ্বালানি ও খনিজ সম্পদ বিভাগ  
প্রশাসন-২ অধিশাখা  
[www.emrd.gov.bd](http://www.emrd.gov.bd)

জ্বালানি ও খনিজ সম্পদ বিভাগে অনুষ্ঠিত এপ্রিল/২০১৭ মাসের সমন্বয় সভার কার্যবিবরণী

সভাপতি: নাজিমউদ্দিন চৌধুরী  
সচিব

সভার তারিখ: ৩০-০৪-২০১৭ খ্রিঃ  
সময়: ১১.০০ টা

জ্বালানি ও খনিজ সম্পদ বিভাগ

সভার উপস্থিতি: সংলাগ "ক" (স্বাক্ষরের ক্রমানুসারে)।

উপস্থিত সকলকে স্বাগত জানিয়ে সভার কাজ শুরু করা হয়। আলোচ্যসূচি অনুসারে বিগত সভার কার্যবিবরণী পাঠ করা হয়। কার্যবিবরণী সম্পর্কে কোন সংশোধনী প্রস্তাব না থাকায় তা নিশ্চিত করা হয়। অতঃপর সভার কার্যপত্র অনুসারে মার্চ/২০১৭ মাসের তথ্য নিয়ে উপসচিব (প্রশা:-২) আলোচ্যসূচি অনুযায়ী পাওয়ার পয়েন্ট প্রেজেন্টেশন প্রদান করেন। সভার বিষয় ভিত্তিক আলোচনা ও সিদ্ধান্তসমূহ নিচে উল্লেখ করা হল:

**১.০ অনির্পন্ন বিষয়:**

**১.১** জ্বালানি ও খনিজ সম্পদ বিভাগের নিকট দপ্তর/সংস্থা ও দপ্তর/সংস্থার নিকট এ বিভাগের শাখা/অধিশাখা পর্যায়ে অনির্পন্ন বিষয় নিয়ে সভায় বিস্তারিত আলোচনা করা হয়। প্রাপ্ত তথ্য পর্যালোচনায় দেখা যায় এ বিভাগের নিকট দপ্তর/সংস্থার কোন বিষয় অনির্পন্ন নেই। সভাপতি এ বিভাগের বিভিন্ন শাখা/অধিশাখায় তিন দিনের উর্ধ্বে কোন বিষয় পেন্ডিং নাই বিষয়টির সঠিকতা যাচাইপূর্বক দ্রুত ফিডব্যাক প্রদানের জন্য উপসচিব (প্রশা:-২) অধিশাখাকে নির্দেশনা প্রদান করেন। অনির্পন্ন বিষয়গুলো দ্রুত নিষ্পত্তির ব্যবস্থা গ্রহণের জন্য নিম্নরূপ সিদ্ধান্ত গৃহীত হয়:

**সিদ্ধান্ত:**

- (ক) সকল দপ্তর/সংস্থার নিকট এ বিভাগের অনির্পন্ন বিষয়ের তথ্য, ছক মোতাবেক প্রেরণ করতে হবে; প্রেরিত ছকে সংক্ষিপ্ত আকারে সুনির্দিষ্ট বক্তব্য থাকতে হবে;
- (খ) সকল দপ্তর/সংস্থা হতে প্রেরিত পত্রাদি জ্বালানি ও খনিজ সম্পদ বিভাগের শাখা/অধিশাখায় ০৩ (তিন) দিনের উর্ধ্বে অনির্পন্ন থাকলে তার তথ্য সংশ্লিষ্ট শাখা কর্মকর্তা কর্তৃক প্রত্যয়নপূর্বক প্রত্যেক মাসের সমন্বয় সভায় উপস্থাপন করতে হবে। গত মাসের এ সংক্রান্ত তথ্যের সঠিকতা যাচাইপূর্বক অনতিবিলম্বে সচিব মহোদয়কে প্রশাসন-২ শাখা কর্তৃক ফিডব্যাক প্রদান করতে হবে;
- (গ) সকল দপ্তর/সংস্থার ভূমি উন্নয়ন করসহ সকল সেবা প্রদানকারী সংস্থার বিল পরিশোধের দ্রুত ব্যবস্থা গ্রহণ করে এ বিষয়ে বিস্তারিত উল্লেখপূর্বক নির্ধারিত ছকে তথ্য প্রেরণ করতে হবে;
- (ঘ) প্রধানমন্ত্রীর কার্যালয়, জাতীয় সংসদ সচিবালয়, মন্ত্রিপরিষদ বিভাগ এবং জনপ্রশাসন মন্ত্রণালয়ে প্রেরণের লক্ষ্যে সকল দপ্তর/সংস্থা তাদের মাসিক/ত্রৈমাসিক/ষাণ্মাসিক/বার্ষিক প্রতিবেদনে তথ্যের সঠিকতা যাচাইপূর্বক নির্ভুল/হালনাগাদ তথ্য নির্ধারিত সময়ের মধ্যে এ বিভাগে প্রেরণ করবে;
- (ঙ) প্রতিটি অনুবিভাগ এর যুগ্ম-সচিবগণ নিয়মিতভাবে শাখা ভিত্তিক অনির্পন্ন তালিকা পর্যালোচনা করে নিষ্পত্তির ব্যবস্থা গ্রহণ করবে। অতিরিক্ত সচিবগণ এ বিষয়টি তদারকি করবেন; এবং
- (চ) সমন্বয় সভা সুষ্ঠুভাবে অনুষ্ঠানের লক্ষ্যে সভার গুরুত্ব বিবেচনা করে চাহিত তথ্যাদি নির্ধারিত সময়ের মধ্যে প্রেরণ নিশ্চিত করতে হবে;

বাস্তবায়ন: এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা।

১৬

১.২ সভায় অপারেশন-২ শাখা সংশ্লিষ্ট অনির্দিষ্ট বিষয়ে বিস্তারিত আলোচনা হয়। সভায় লুব্রিকেটিং অয়েল, রি-রিফাইনিং প্ল্যান্ট স্থাপনের বিষয় নিয়ে আলোচনা হয়। যত্রতত্র এ যাবতীয় প্ল্যান্ট স্থাপনের অনুমতি প্রদান করলে নিম্নমানের লুব অয়েলে বাজার সয়লাব হয়ে যাবে মর্মে আশংকা প্রকাশ করা হয়। এতে মটরযানের ইঞ্জিনের ক্ষতির সম্ভাবনা রয়েছে।

**সিদ্ধান্ত:**

- (ক) অবৈধভাবে স্থাপিত লুব ব্রেন্ডিং প্ল্যান্ট ও রি-রিফাইনিং প্ল্যান্ট এর বিরুদ্ধে আইনগত ব্যবস্থা নিতে হবে।
- (খ) অনুমোদিত প্ল্যান্টের ক্ষেত্রে উৎপাদিত লুব অয়েলের গুণগত মান রক্ষার জন্য নিয়মিত পরিদর্শনের মাধ্যমে নজরদারী রাখতে হবে।
- (গ) নতুন করে লুব ব্রেন্ডিং প্ল্যান্ট এবং রি-রিফাইনিং প্ল্যান্ট স্থাপনের জন্য আপাতত: কোন অনুমোদন দেয়া হবে না।

**২.০ অডিট আপত্তি:**

২.১ পেট্রোবাংলা ও এর অধীনস্থ কোম্পানিসমূহের মার্চ/২০১৭ মাসের মোট অডিট আপত্তির সংখ্যা ৩৬৫৬টি। আপত্তিকৃত অর্থের পরিমাণ ৭১৮৩৫৭২.৪৪ লক্ষ টাকা। চলতি মাসে আপত্তি নিষ্পত্তির সংখ্যা ৫০টি। নিষ্পত্তিকৃত অর্থের পরিমাণ ১৭৪১.৬৩ লক্ষ টাকা। ০১-০১-২০১৭ হতে ৩১-০৩-২০১৭ পর্যন্ত ক্রমপুঞ্জিভূত নিষ্পত্তিকৃত অডিট আপত্তির সংখ্যা ৮০টি। এ ছাড়া, অডিট আপত্তি অনির্দিষ্ট রয়েছে ৩৫৭৬টি। আপত্তিকৃত অর্থের পরিমাণ ২৪৬৪.৬৬লক্ষ টাকা। মার্চ/২০১৭ মাসে দ্বি-পক্ষীয় সভা হয়েছে ০১টি এবং ত্রি-পক্ষীয় সভা অনুষ্ঠিত হয়েছে ১টি।

২.২ বিপিসি ও এর অধীনস্থ কোম্পানিসমূহের মার্চ/২০১৭ মাসের মোট অডিট আপত্তির সংখ্যা ২৬৪০টি। আপত্তিকৃত অর্থের পরিমাণ ৪৯৭৮৩৭৮.৯০ লক্ষ টাকা। চলতি মাসে দ্বি-পক্ষীয় এবং ত্রি-পক্ষীয় কোন সভা অনুষ্ঠিত হয়নি। বিস্তারিত আলোচনান্তে অপর পৃষ্ঠায় বর্ণিত সিদ্ধান্তসমূহ গৃহীত হয়।

**সিদ্ধান্ত:**

- (ক) সকল দপ্তর/সংস্থা প্রধানগণ অডিট আপত্তিসমূহ বিষয় ভিত্তিক দ্রুত নিষ্পত্তির পদক্ষেপ গ্রহণ করবেন এবং প্রতিমাসে নির্ধারিত ছকে তথ্য প্রেরণ নিশ্চিত করবেন;
- (খ) অডিট আপত্তি দ্রুত নিষ্পত্তির লক্ষ্যে দপ্তর/সংস্থাসমূহ প্রতিমাসে কমপক্ষে দু'টি করে দ্বি-পক্ষীয় এবং ত্রি-পক্ষীয় সভার আয়োজন করবে। এ বিভাগের পিএ কমিটি'র সভা ও ত্রি-পক্ষীয় সভা নিয়মিত করতে হবে;
- (গ) জ্বালানি ও খনিজ সম্পদ বিভাগের অতিরিক্ত সচিব (উন্নয়ন/পরিঃ) এবং বিপিসি'র সচিব-কে নিয়ে অডিট আপত্তি নিষ্পত্তির বিষয়ে সংশ্লিষ্ট শাখার উপ-সচিব একটি সভা করবেন;
- (ঘ) জ্বালানি ও খনিজ সম্পদ বিভাগের সংশ্লিষ্ট শাখার উপ-সচিব মাঠ পর্যায়ের অফিসসমূহের অডিট কার্যক্রম তদারকি করবেন। তিনি প্রয়োজনে সরেজমিনে পরিদর্শন এবং দপ্তর/সংস্থার দ্বি-পক্ষীয় এবং ত্রি-পক্ষীয় সভায় যোগদান করবেন;
- (ঙ) অডিট আপত্তিসমূহের খসড়া অনুচ্ছেদ এবং অগ্রগামী অনুচ্ছেদ অনুযায়ী নিষ্পত্তির পদক্ষেপ গ্রহণ করতে হবে; এবং
- (চ) দপ্তর/সংস্থা/কোম্পানিসমূহ তাদের স্ব স্ব অডিট আপত্তিসমূহ দ্রুত নিষ্পত্তির ব্যবস্থা করবে।
- (ছ) সংশ্লিষ্ট শাখা কর্মকর্তা সরকারী সফরে বিদেশ থেকে ফেরত আসার পর সচিব মহোদয়ের সঙ্গে দ্রুত আলোচনা করে সভার ব্যবস্থা গ্রহণ করবেন।

**বাস্তবায়ন:** এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা।

২৬

### ৩.০ বিভাগীয় মামলা নিষ্পত্তি:

৩.১ পেট্রোবাংলা ও অধীনস্থ এর কোম্পানিসমূহের বিভাগীয় মামলার বিগত মাসের জের ৩৫টি এবং চলতি মাসে ০৪ টি মামলা দায়ের করা হয়েছে বিধায় মোট মামলা সংখ্যা ৩৯টি। চলতি মাসে ০৬টি মামলা নিষ্পত্তি হয়েছে। ০৩ মাসের কম সময়ের অনিষ্পন্ন মামলা ২০টি। ০৩ মাসের বেশি কিন্তু ০৬ মাসের কম সময়ে মামলা অনিষ্পন্ন ০৩টি। ০৬ মাসের বেশি কিন্তু ১২ মাসের কম সময়ে মামলা অনিষ্পন্ন ০৫টি। ১২ মাসের বেশি সময়ে মামলা অনিষ্পন্ন ০৫টি। সাময়িক বরখাস্ত ০৪টি এবং মাস শেষে মোট মামলা অনিষ্পন্ন ৩৩টি।

৩.২ জ্বালানি ও খনিজ সম্পদ বিভাগ, পেট্রোবাংলা ও বিপিসি'র কোম্পানিসমূহ, জিএসবি, বিএমডি, বিপিআই, বিস্ফোরক পরিদপ্তর এবং হাইড্রোকার্বন ইউনিট এ অনিষ্পন্ন বিভাগীয় মামলার বিষয়ে সভায় বিস্তারিত আলোচনা হয় এবং নিম্নরূপ সিদ্ধান্ত গৃহীত হয়।

#### সিদ্ধান্ত:

(ক) সকল দপ্তর/অধিদপ্তর/সংস্থা এবং জ্বালানি ও খনিজ সম্পদ বিভাগের শাখা/অধিশাখা নিয়মিতভাবে নির্ধারিত ছকে বিভাগীয় মামলার বিস্তারিত তথ্য প্রেরণ করবে;

(খ) শৃংখলা ও আপীল বিধিমালা, ১৯৮৫/ কোম্পানির জন্য প্রযোজ্য চাকুরী বিধিমালা, যার জন্য যা প্রযোজ্য সে মোতাবেক বিভাগীয় মামলাসমূহ দ্রুত নিষ্পত্তি করতে হবে;

বাস্তবায়ন: এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা।

### ৪.০ আদালতে বিচারাধীন মামলা সম্পর্কিত তথ্যসমূহ:

৪.১ পেট্রোবাংলা ও এর অধীনস্থ কোম্পানিসমূহের মার্চ/২০১৭ মাসে বিচারাধীন মামলার সংখ্যা মোট ২০৩৪টি।

৪.২ বিপিসি ও এর অধীনস্থ কোম্পানিসমূহের মার্চ/২০১৭ মাসে বিচারাধীন প্রশাসনিক মামলার সংখ্যা মোট ১৫৪টি এবং বিচারাধীন গ্রাহক সংশ্লিষ্ট মামলার সংখ্যা মোট ৫২টি।

৪.৩ পেট্রোবাংলা/বিপিসি ও এর অধীনস্থ কোম্পানিসমূহের আদালতে বিচারাধীন সকল মামলাসহ গুরুত্বপূর্ণ মামলার বিষয়ে বিস্তারিত আলোচনা হয়। বিচারাধীন মামলাসমূহের রায় যাতে সরকারের তথা সংস্থা/কোম্পানির বিপক্ষে না যায় সে লক্ষ্যে বিজ্ঞ আইনজীবী নিয়োগ, বিজ্ঞ আদালতের চাহিদা অনুযায়ী সময়মত জবাব/প্রয়োজনীয় কাগজপত্র সরবরাহ করার পরামর্শ প্রদান করা হয়। উপরোক্ত বিষয়সমূহ বিস্তারিত আলোচনান্তে নিম্নবর্ণিত সিদ্ধান্তসমূহ গৃহীত হয়।

#### সিদ্ধান্ত:

(ক) মহামান্য হাইকোর্টে চলমান মামলাসমূহের বিষয়ে নিয়মিত এবং যথাসময়ে তদারকি করতে হবে, গুরুত্বপূর্ণ মামলার ক্ষেত্রে বিজ্ঞ এটর্নি জেনারেলের সাথে যোগাযোগ করতে হবে। এছাড়াও, নিম্ন আদালতে বিচারাধীন মামলাসমূহ দ্রুত নিষ্পত্তির লক্ষ্যে প্রয়োজনীয় ব্যবস্থা গ্রহণ করতে হবে;

(খ) দপ্তর/সংস্থা/কোম্পানির অভ্যন্তরীণ সমন্বয় সভায় অনিষ্পন্ন মামলার বিষয়ে আলোচনা করে মামলা দ্রুত নিষ্পত্তির ব্যবস্থা করতে হবে;

(গ) শ্রম আদালতে বিচারাধীন মামলাসমূহ সঠিকভাবে প্রতিদ্বন্দ্বিতা করতে হবে এবং প্রয়োজনে মামলা নিষ্পত্তির বিষয়ে বিশেষজ্ঞ আইনজীবী নিয়োগ, বিজ্ঞ আদালতের চাহিদা অনুযায়ী সময়মত জবাব/প্রয়োজনীয় কাগজপত্র সরবরাহ করতে হবে;

(ঘ) জিএসবি, বিএমডি ও বিস্ফোরক পরিদপ্তরের বিচারাধীন মামলা সংশ্লিষ্ট তথ্য এ বিভাগে প্রেরণ করতে হবে।

বাস্তবায়ন: বিভাগের সংশ্লিষ্ট শাখা/অধিশাখা এবং সকল দপ্তর/সংস্থা।

২৬

## ৫.০ অনিষ্পন্ন অবসর ভাতা:

৫.১ জ্বালানি ও খনিজ সম্পদ বিভাগ এবং এর সংস্থা/কোম্পানিসমূহের অনিষ্পন্ন অবসর ভাতা নিয়ে সভায় বিস্তারিত আলোচনা হয়। বিস্তারিত আলোচনান্তে নিম্নলিখিত সিদ্ধান্তসমূহ গৃহীত হয়।

### সিদ্ধান্ত:

(ক) দপ্তর/সংস্থা/কোম্পানির অনিষ্পন্ন অবসর ভাতা সংক্রান্ত তথ্য প্রতিমাসে নির্ধারিত ছক অনুসারে প্রেরণ নিশ্চিত করতে হবে;

(খ) অবসরভাতা সহজিকরণ নীতিমালা অনুযায়ী অবসরভাতার বিষয়টি গুরুত্বসহকারে নিষ্পত্তি করতে হবে;

বাস্তবায়ন: এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা/কোম্পানি।

## ৬.০ ভূ-সম্পত্তি হতে অবৈধ দখল উচ্ছেদ ও নামজারী সম্পাদন:

৬.১ জ্বালানি ও খনিজ সম্পদ বিভাগ এবং এর সংস্থাসমূহের ভূ-সম্পত্তি অবৈধ দখলে থাকলে তা উচ্ছেদ এবং জমির মালিকানা সঠিক রাখার জন্য যথাসময়ে নামজারী সম্পাদন করা প্রয়োজন। এছাড়া, দপ্তর/সংস্থার সম্পত্তির বিরোধ নিষ্পত্তির জন্য পরামর্শ প্রদান করা হয়। বিস্তারিত আলোচনান্তে নিম্নলিখিত সিদ্ধান্তসমূহ গৃহীত হয়।

### সিদ্ধান্ত:

(ক) সংশ্লিষ্ট প্রতিষ্ঠানের জমি থেকে অবৈধ দখলদার উচ্ছেদ করতে হবে এবং নিয়মিত খাজনা পরিশোধ করতে হবে;

(খ) ভূ-সম্পত্তি উদ্ধারের বিষয়ে তফসিলভূক্ত মোট সম্পত্তির পরিমাণ, দখলকৃত সম্পত্তির পরিমাণ এবং বেদখলকৃত সম্পত্তির পরিমাণ উল্লেখপূর্বক প্রতিমাসে অগ্রগতি প্রতিবেদন মন্ত্রণালয়ে প্রেরণ করতে হবে;

(গ) ভূ-সম্পত্তি উদ্ধারের বিষয়ে মহামান্য হাইকোর্ট বিভাগে কতটি রিট মামলা চলমান আছে তার তথ্যাদি প্রতি সভায় উপস্থাপন করতে হবে;

(ঘ) প্রত্যেক দপ্তর/সংস্থার সম্পত্তির বিরোধ দ্রুত নিষ্পত্তি করতে হবে;

বাস্তবায়ন: এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা।

## ৭.০ বার্ষিক কর্মসম্পাদন চুক্তি (APA) ও প্রকল্প পরিদর্শন:

৭.১ সভায় এ বিভাগের ২০১৬-২০১৭ অর্থ-বছরের বার্ষিক কর্মসম্পাদন চুক্তিপত্র (Annual Performance Agreement)-অনুযায়ী শতভাগ অর্জনের বিষয় এবং মাসিক/ত্রৈমাসিক/বার্ষিক অর্জন যথা সময়ে এ বিভাগে প্রেরণের বিষয়ে আলোচনা হয়। এ বিভাগের APA টিম লিডার অভিরিক্ত সচিব (উন্নয়ন) ২০১৬-২০১৭ অর্থ বছরের APA বাস্তবায়নের চিত্র সভাকে অবহিত করেন। ২০১৭-২০১৮ সালের APA খসড়া যথাসময়ে মন্ত্রিপরিষদ বিভাগে প্রেরণ করা হয়েছে বলে তিনি সভাকে অবহিত করেন। তিনি আরো জানান যে APA সংক্রান্ত বিদেশ প্রশিক্ষণ ইতোমধ্যে কিছু আয়োজন করা হয়েছে এবং আরো কিছু আয়োজন করা হচ্ছে। সভায় বিএমডি, হাইড্রোকার্বন ইউনিট এবং বিস্ফোরক পরিদপ্তরের এ অর্থ বছরের বাজেটে এপিএ সংক্রান্ত বিদেশ প্রশিক্ষণ এর জন্য কোন অর্থ বরাদ্দ নেই। কিন্তু সংশ্লিষ্ট প্রতিষ্ঠান প্রধানগণ বিপিসি/পেট্রোবাংলা বা তাদের কোন কোম্পানির এপিএ সংক্রান্ত বিদেশ প্রশিক্ষণ টিমে একজন প্রতিনিধি উক্ত কোম্পানির অর্থায়নে অন্তর্ভুক্তির অনুরোধ জানান।

এ ছাড়া স্থানীয় প্রশিক্ষণ যথাসময়ে আয়োজন এবং স্থানীয় প্রশিক্ষণে কিছু Incentive দেয়ার বিষয়টি নিয়ে সভায় বিস্তারিত আলোচনা হয়। বিস্তারিত আলোচনান্তে নিম্নবর্ণিত সিদ্ধান্তসমূহ গৃহীত হয়।

**সিদ্ধান্ত:**

- (ক) জ্বালানি ও খনিজ সম্পদ বিভাগের আওতাধীন দপ্তর/সংস্থা/কোম্পানিসমূহ ২০১৬-২০১৭ অর্থ-বছরের বার্ষিক কর্মসম্পাদন চুক্তিপত্রের লক্ষ্যমাত্রা অনুযায়ী আনুপাতিক হারে প্রতিমাসে লক্ষ্যমাত্রা অর্জন করতে হবে এবং মাসিক/ত্রৈমাসিক কর্মসম্পাদন মূল্যায়ন প্রতিবেদন প্রমাণকসহ নির্ধারিত 'ছক' মোতাবেক প্রতিমাসের ০৪ (চার) তারিখের মধ্যে এ বিভাগে প্রেরণ করতে হবে;
- (খ) ২০১৬-২০১৭ অর্থ বছরে হাইড্রোকার্বন ইউনিট, বিএমডি এবং বিস্ফোরক পরিদপ্তরের বাজেটে কোন বরাদ্দ না থাকায় এ তিনটি প্রতিষ্ঠানের এপিএ ফোকাল পয়েন্ট/টিম লিডারদের বিপিসি/পেট্রোবাংলার কোম্পানির প্রশিক্ষণ টিমের সাথে তাদের অর্থায়নে প্রেরণের সিদ্ধান্ত গৃহীত হয়;
- (গ) স্থানীয় প্রশিক্ষণে অংশগ্রহণকারীদের সম্মানি প্রদানের বিষয়টি বাজেট ও বিধি বিধান সাপেক্ষে প্রতিপালন করা যায়।
- (ঘ) এ বিভাগের কর্মকর্তাগণ কর্তৃক প্রতিমাসে নির্ধারিত প্রকল্পসমূহ পরিদর্শন করতে হবে এবং প্রতিবেদন দাখিল করতে হবে;

**বাস্তবায়ন:** এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা।

**৮.০ বিবিধ:**

**৮.১** সভায় বিজিএফসিএল ও এসজিএফএল এ উৎপাদিত কনডেনসেট, বিভিন্ন এলাকার অবৈধ গ্যাস সংযোগ বিচ্ছিন্নকরণ এবং লুব ওয়েল বাজারজাত করণের বিষয়ে বিস্তারিত আলোচনা হয়। এছাড়া, পদ্মা অয়েল কোম্পানি লিমিটেড, মেঘনা পেট্রোলিয়াম লিমিটেড এবং যমুনা অয়েল কোম্পানি লিমিটেড তাদের ডিলারগণের মাধ্যমে বাজারজাতকৃত তেলের গুণগতমান এবং পরিমাণ নিশ্চিতকরণের বিষয়েও আলোচনা হয়। সভায় বিভিন্ন এলাকায় অবৈধ গ্যাস সংযোগের মত ঘটনা যাতে কোন ভাবেই প্রশ্রয় না পায় সে বিষয়ে সংশ্লিষ্ট কোম্পানিগুলোর দৃষ্টি আকর্ষণ করা হয়। বিশেষত: অবৈধ গ্যাস সংযোগ বন্ধের বিষয়ে তিতাস গ্যাসকে জোড়ালো পদক্ষেপ গ্রহণের বিষয়ে সভায় আলোচনা হয়। অবৈধ গ্যাস সংযোগ বন্ধের বিষয়ে সংশ্লিষ্ট ঠিকাদারকে কঠোর হুশিয়ারী প্রদান ও স্থানীয় কোম্পানি ম্যানেজার/ডেপুটি ম্যানেজারদের তৎপরতা বৃদ্ধির বিষয়ে বিস্তারিত আলোচনা হয়। উপরোক্ত বিষয়সমূহ বিস্তারিত আলোচনান্তে নিম্নবর্ণিত সিদ্ধান্তসমূহ গৃহীত হয়।

**সিদ্ধান্ত:**

- (ক) বিজিএফসিএল ও এসজিএফএল কর্তৃক উৎপাদিত তরল পেট্রোলিয়ামজাত দ্রব্যাদি পদ্মা অয়েল কোম্পানি লিমিটেড, মেঘনা পেট্রোলিয়াম লিমিটেড এবং যমুনা অয়েল কোম্পানি লিমিটেড আরও বেশী পরিমাণে সংগ্রহ করবে;
- (খ) পদ্মা অয়েল কোম্পানি লিমিটেড, মেঘনা পেট্রোলিয়াম লিমিটেড এবং যমুনা অয়েল কোম্পানি লিমিটেড তাদের ডিলারগণের মাধ্যমে বাজারজাতকৃত তেলের গুণগতমান এবং পরিমাণ নিশ্চিত করবে;
- (গ) বেসরকারি প্রতিষ্ঠানে সরবরাহকৃত কনডেনসেট যথাযথভাবে পরিশোধন করে বাজারজাত করা হচ্ছে কিনা সে বিষয় বিপিসি কঠোর নজরদারী ও তদারকি করবে;
- (ঘ) দেশের সমস্ত পেট্রোল পাম্প হতে সরবারহকৃত জ্বালানি তেলের গুণগতমান এবং সঠিক ওজন নিশ্চিতকরণের লক্ষ্যে নিয়মিত মনিটর করতে হবে;
- (ঙ) দেশের তেজাল তেলের বিস্তার ও অবৈধ ক্রয় বিক্রয় বন্ধে প্রয়োজনীয় ব্যবস্থা গ্রহণপূর্বক নিয়মিত মনিটর করতে হবে;
- (চ) যে সকল প্রতিষ্ঠান/ব্যক্তি অবৈধভাবে লুব অয়েল বাজারজাত করেছে তাদের বিরুদ্ধে প্রয়োজনীয় ব্যবস্থা গ্রহণপূর্বক এ বিভাগ-কে অবহিত করতে হবে;

(ছ) অবৈধ গ্যাস সংযোগ বিচ্ছিন্নকরণ অভিযান পরিচালনা করতে হবে এবং অবৈধ গ্যাস সংযোগের সাথে সংশ্লিষ্ট ব্যক্তি ও প্রতিষ্ঠানের বিরুদ্ধে মামলা দায়ের করতে হবে। এজন্য কোন ঠিকাদারদের যোগসাজশ প্রমানিত হলে লাইসেন্স বাতিলসহ কঠোর ব্যবস্থা নেয়া হবে। সংশ্লিষ্ট কোম্পানির স্থানীয় ম্যানেজার/ডেপুটি ম্যানেজার অবৈধ সংযোগের বিষয়ে কঠোর পদক্ষেপ গ্রহণ করবেন।

**বাস্তবায়ন:** এ বিভাগের সংশ্লিষ্ট শাখা/অধিশাখা এবং সকল দপ্তর/সংস্থা/কোম্পানি।

৮.২ বিবিধ আলোচনার এ পর্যায়ে পরিচালক, বিএমডি, সভায় জানান যে, সুনামগঞ্জ জেলাধীন ছাতক উপজেলার বাইরং নদীর পাড়ে বিভিন্ন স্থান থেকে অবৈধভাবে পাথর উত্তোলন করে মজুদ করা হয়েছে মর্মে খবর পেয়ে বিএমডি'র একটি টিম তাৎক্ষণিকভাবে পরিদর্শন করে ১০-১৫ লক্ষ ঘনফুট পাথরের মজুদ দেখতে পায়। বিধি অনুযায়ী উক্ত পাথর আটক করে নিলামে বিক্রির জন্য স্থানীয় পুলিশ ও প্রশাসনের সহায়তা প্রয়োজন। এজন্য জেলা প্রশাসন ও পুলিশের সঙ্গে যোগাযোগ করা হয়। সভাপতি মহোদয় তাৎক্ষণিকভাবে সুনামগঞ্জের পুলিশ সুপারকে টেলিফোনে এ বিষয়ে প্রয়োজনীয় ব্যবস্থা গ্রহণের অনুরোধ জানান।

**সিদ্ধান্ত:**

(ক) বিএমডি'র পরিচালক সুনামগঞ্জ জেলা পুলিশ সুপার ও জেলা প্রশাসকের সঙ্গে যোগাযোগ করে অবৈধ পাথর উত্তোলন বন্ধ ও আটককৃত পাথরের বিষয়ে বিধি মোতাবেক ব্যবস্থা গ্রহণ করবেন।

৯.০ সভায় আর কোন আলোচ্য বিষয় না থাকায় উপস্থিত সকল কর্মকর্তাকে ধন্যবাদ জানিয়ে সভার সমাপ্তি ঘোষণা করা হয়।

স্বাক্ষরিত/-  
০৭/০৫/২০১৭  
(নাজিমউদ্দিন চৌধুরী)  
সচিব  
জ্বালানি ও খনিজ সম্পদ বিভাগ

নং-২৮.০০.০০০০.০১২.০৬.০০১.১৬- ২২৫

তারিখ: ২৬ বৈশাখ ১৪২৪  
০৯ মে ২০১৭


**বিতরণ (জ্যেষ্ঠতার ভিত্তিতে নয়):**

- ১। চেয়ারম্যান, বিপিসি, চট্টগ্রাম।
- ২। চেয়ারম্যান, পেট্রোবাংলা, ঢাকা।
- ৩। অতিরিক্ত সচিব (উন্নঃ/পরিঃ)/(প্রশাঃ/অপাঃ)/(উন্নঃ)/(পরিঃ)/(ব্লু ইকনোমি সেল), জ্বালানি ও খনিজ সম্পদ বিভাগ।
- ৪। মহাপরিচালক, বিপিআই, ঢাকা।
- ৫। যুগ্ম-সচিব (অপাঃ), জ্বালানি ও খনিজ সম্পদ বিভাগ।
- ৬। মহাপরিচালক, হাইড্রোকার্বন ইউনিট, ঢাকা।
- ৭। মহাপরিচালক, জিএসবি, ঢাকা।
- ৮। সচিব, বিইআরসি, কাওরান বাজার, ঢাকা।
- ৯। সকল কর্মকর্তা, জ্বালানি ও খনিজ সম্পদ বিভাগ, ঢাকা।
- ১০। পরিচালক, বিএমডি, ঢাকা।
- ১১। প্রধান বিস্ফোরক পরিদর্শক, বিস্ফোরক পরিদপ্তর, ঢাকা।

- ১২। প্রধান হিসাবরক্ষণ কর্মকর্তা, জ্বালানি ও খনিজ সম্পদ বিভাগ, সেগুনবাগিচা, ঢাকা।
- ১৩। ব্যবস্থাপনা পরিচালক, টিজিটিডিসিএল/বিজিডিএল/জেজিটিডিএসএল/পিজিসিএল/কেজিডিএল/ বিজিএফসিএল/ এসজিএফএল/জিটিসিএল/বাপেক্স/আরপিজিএল/বিসিএমসিএল/এমজিএমসিএল/ এসজিসিএল/পদ্মা অয়েল কোং লি./মেঘনা পেট্রোলিয়াম লি./যমুনা অয়েল কোং লি./ইআরএল/এলপিজি, ঢাকা।

**সদয় জ্ঞাতার্থে অনুলিপি (জ্যেষ্ঠতার ভিত্তিতে নয়):**

- ১। প্রধানমন্ত্রীর বিদ্যুৎ, জ্বালানি ও খনিজ সম্পদ বিষয়ক মাননীয় উপদেষ্টার একান্ত সচিব, প্রধানমন্ত্রীর কার্যালয়, পুরাতন সংসদ ভবন, ঢাকা।
- ২। মাননীয় প্রতিমন্ত্রীর একান্ত সচিব, বিদ্যুৎ, জ্বালানি ও খনিজ সম্পদ মন্ত্রণালয়।
- ৩। সচিবের একান্ত সচিব, জ্বালানি ও খনিজ সম্পদ বিভাগ।
- ৪। আইসিটি কর্মকর্তা, আইসিটি সেল, জ্বালানি ও খনিজ সম্পদ বিভাগ।

  
(মোঃ ইদতাজুল ইসলাম) ০২/০৫/১৭  
উপসচিব  
ফোন নং: ৯৫৫৮৫৮৯